

Nr.Prot. _____

Durrës më / / 2025

PROCESVERBAL- Tipi i kontratës – Shërbime

PËR ARGUMENTIMIN DHE MIRATIMIN E SPECIFIKIMEVE TEKNIKE DHE KRITEREVE PËR KUALIFIKIM

OBJEKTI I PROCEDURËS: “ Shoqërimi i vlerave monetare për Rajonin Durrës për një periudhë 2 vjecare” - Marrëveshje Kuadër - me një operator ekonomik ku të gjitha kushtet janë të percaktuara - me afat 24 muaj.

KODI PËRKATËS NË FJALORIN E PËRBASHKËT TË PROKURIMIT (CPV): Shërbime roje/shërbime me roje 76713000-5

Numri i referencës së procedurës : REF-71624-12-10-2025

VLERA E FONDIT LIMIT: 24,634,740 (njëzetë e katër milion e gjashtëqind e tridjetë e katër mijë e shtatëqind e dyzetë) lekë pa tvsh,

255,282,27 (dyqind e pesëdhjetë e pesë mijë e dyqind e tetëdhjetë e dy pikë njezete e shtate) euro pa tvsh (1 EURO – 96.50 lekë) referuar kursit të këmbimit ditor, datë 09.12.2025 të Bankës së Shqipërisë.

Ndarje ne Lote - NUK KA

Në bazë,të Ligjit nr.162/2020 “Për prokurimin publik”, nenit 42, pikat 1 dhe 2 të Vendimit të Këshillit të Ministrave, të VKM nr. 285, datë 19.05.2021 “Për miratimin e rregullave të prokurimit publik”, autoriteti/enti kontraktor Drejtoria Rajonale Durres e OSSH Sh.A, ka argumentuar mosndarjen e procedures në lote, me përmbajtjen si më poshtë:

Referuar **Ligjit Nr. 162, datë 23.12.2020 “Për Prokurimin Publik”**, neni 2 parashikohet shprehimisht se: “Qëllimi i këtij ligji është:

- a) të rrisë efikasitetin dhe efikasitetin në procedurat e prokurimit publik;
- b) të sigurojë mirëpërdorim të fondeve publike dhe të ulë shpenzimet procedurale;
- c) të nxisë pjesëmarrjen e operatorëve ekonomikë në procedurat e prokurimit publik;
- ç) të nxisë konkurrencën ndërmjet operatorëve ekonomikë;
- d) të sigurojë një trajtim të barabartë dhe jodiskriminues për të gjithë operatorët ekonomikë, pjesëmarrës në procedurat e prokurimit publik;
- dh) të sigurojë integritet, besim publik dhe transparencë në procedurat e prokurimit publik.

Në kreun V, **Neni 42, pikat 1 dhe 2** të VKM-së Nr. 285, datë 19.05.2021 i ndryshuar “Për miratimin e Rregullave të Prokurimit Publik”, parashikohet shprehimisht:

1. Autoriteti/enti kontraktor e ndan një kontratë në lote sa herë kjo është e mundur. Në çdo rast, duhet të përcaktohet qartë madhësia dhe objekti i këtyre loteve.

2. Autoriteti kontraktor, në procedurat e prokurimit mbi kufirin e lartë monetar, në rast se vendos të zhvillojë procedurën e prokurimit pa e ndarë në lote, duhet të parashikojë një përcaktim të arsyeve kryesore për këtë vendim, i cili bëhet pjesë e dosjes së tenderit. Ky detyrim nuk zbatohet në rastin e kontratave sektoriale.

Referuar **Ligjit Nr. 162, datë 23.12.2020** “Për Prokurimin Publik”, neni 14, Operatorët ekonomikë, parashikohet shprehimisht se:

1. Kandidatët ose ofertuesit mund të jenë persona fizikë ose juridikë.
2. Grupe operatorësh ekonomikë mund të dorëzojnë oferta ose të paraqiten si një kandidat i vetëm sipas parashikimeve në rregullat e prokurimit publik. Autoriteti ose enti kontraktor nuk duhet t’i kërkojë një formë të veçantë ligjore bashkimit të shoqërive, për qëllim të dorëzimit të ofertës ose kërkesës për pjesëmarrje.

Autoritetet ose entet kontraktore mund t’u kërkojnë grupeve të operatorëve ekonomikë që të marrin një formë ligjore specifike, pasi të jenë shpallur fitues, nëse vlerësohet e nevojshme për realizimin e kontratës. Në çdo rast, ky kusht duhet t’u bëhet i ditur operatorëve ekonomikë në dokumentet e tenderit për ekzekutimin e kënaqshëm të kontratës.

Rregullat për mënyrën e plotësimit të kriterëve nga grupet e operatorëve ekonomikë në një procedurë prokurimi përcaktohen në rregullat e prokurimit publik.

Në **VKM Nr. 285, datë 19.05.2021** i ndryshuar “Për miratimin e Rregullave të Prokurimit Publik”, Kreu XI, neni 88, është parashikuar:

1. Oferta mund të paraqitet nga një bashkim operatorësh ekonomikë, sipas përcaktimit të pikave 2 dhe 3, të nenit 14, të LPP-së, ku njëri prej të cilëve i përfaqëson të tjerët gjatë procedurës dhe, në rast përzgjedhjeje, edhe gjatë zbatimit të kontratës. Në ofertë duhet të përcaktohet pjesa e shërbimit, punës ose furnizimit, që do të kryejë secili nga anëtarët e këtij bashkimi nëpërmjet një kontrate bashkëpunimi të hartuar ndërmjet palëve.
2. Anëtarët e bashkimit të operatorëve ekonomikë caktojnë në kontratën e bashkëpunimit ndërmjet tyre përfaqësuesin e tyre për dorëzimin e ofertës. Kjo kontratë bashkëpunimi duhet të dërgohet së bashku me kualifikimet dhe ofertën ekonomike, e cila duhet të nënshkruhet nga përfaqësuesi. Përfaqësuesi duhet të bëjë edhe sigurimin e ofertës, duke specifikuar pjesëmarrjen në bashkimin e operatorëve ekonomikë.
3. Secili prej anëtarëve të këtij bashkimi duhet të përmbushë kërkesat e parashikuara në nenin 76, të LPP-së, dhe ato të përcaktuara në dokumentet e tenderit. Kërkesat për kualifikim: ekonomike, financiare, profesionale dhe ato teknike, duhet të përmbushen nga i gjithë bashkimi, në përputhje me përqindjen dhe/ose natyrën e pjesëmarrjes në punë, shërbim apo furnizim, të përcaktuara në aktmarrëveshje.

Kur oferta paraqitet nga një bashkim operatorësh, kushti i përcaktuar në shkronjën “a”, të pikës 5, të nenit 39, të këtyre rregullave, plotësohet nga anëtari, i cili ka përqindjen më të madhe të pjesëmarrjes në bashkim. Anëtarët e tjerë të bashkimit do të paraqesin kontrata të ngjashme, në raport me përqindjen e pjesëmarrjes së tyre në bashkim. Në rastin kur operatorët ekonomikë, anëtarë të një bashkimi, kanë të

njëjtën përqindje pjesëmarrjeje në bashkim, vendosin me marrëveshje në kontratën e bashkëpunimit se cila prej tyre do të përmbushë këtë kusht.

Theksojmë se ndarja ose jo, e kontratës në lote, është një vendim i rëndësishëm që autoriteti kontraktor merr gjatë procesit paraprak pasi ndikon drejtperdrejt në nivelin e pjesëmarrjes së operatorëve ekonomike në këtë procedurë prokurimi. Kjo bëhet duke mbajtur në konsideratë elemente të tilla si: tregu, konkurrenca e mundshme, vlera e prokurimit, etj., dhe veçanërisht faktin nëse objekti i kontratës është një punë/shërbim/mall për të cilin ofertuesit janë të pakët, pra, gëzojnë në një farë mënyre të drejtën e prodhimit, apo distribucionit.

Në rastin konkret, ndarja në lote e procedurës së prokurimit, do të komplikonte menaxhimin e kontratave dhe shpërndarjen e përgjegjësisë duke e komplikuar realizimin me sukses të kontratës, ndërkohë që në thelb shërbimi është i së njëjtës natyrë. Në këto kushte, gjykojmë se realizimi i procedurës në një kontratë të pa ndarë në lote është një veprim i drejtë dhe në përputhje me legjislacionin e sipërpërmendur.

Legjislacioni me ndryshimet e fundit që ka pësuar ka hequr nevojën për kontratë noteriale por vetëm paraqitjen e një kontratë bashkëpunimi ndërmjet operatorëve ekonomik. Secili prej anëtarëve të këtij bashkimi duhet të përmbushë kërkesat e parashikuara në nenin 76, të LPP-së, dhe ato të përcaktuara në dokumentet e tenderit. Kërkesat për kualifikim: ekonomike, financiare, profesionale dhe ato teknike, duhet të përmbushen nga i gjithë bashkimi, në përputhje me përqindjen dhe/ose natyrën e pjesëmarrjes në punë, shërbim apo furnizim, të përcaktuara në aktmarrëveshje

Referuar sa më sipër legjislacioni i prokurimit publik e njeh të drejtën e shoqërive për t'u bashkuar për të përmbushur një kontratë prokurimi, në kushtet kur kjo kontratë nuk mund të realizohet nga një operator ekonomik.

Pra duke parë natyrën, specifikat dhe përmasën e këtij shërbimi, mënyrën e funksionimit të Drejtorisë Rajonale Durrës e OSSH Sh.A, ku ky shërbim menaxhohet nga një strukturë e veçantë e specializuar prane kësaj drejtorie, do të përbënte një kosto të shtuar për institucionin tonë në ngritjen e strukturave të tjera, ç'ka do ta bënte të pamundur monitorimin e këtij shërbimi pasi do t'i shtoheshin kosto institucionit tonë ndarja në lote.

Gjithashtu, Autoriteti Kontraktor, vendosi të mos e ndajë në lote këtë procedurë prokurimi, pasi nëse një operator e fiton të gjithë kontratën, bazuar në parimin e ekonomisë së shkallës do mund të japë një ofertë ekonomike më të ulët dhe do mund të kursejmë të ardhura publike më shumë.

Për problemet që mund të lindin eventualisht gjatë zbatimit të kontratës, AK do i duhej të zgjidhte mosmarrëveshjet me dy ose më shumë operatorë dhe kjo mund ta vështirësonte zbatimin e kontratës.

Ka shumë vite që kjo procedurë realizohet e pa ndarë në lote, me të njëjtat institucione dhe vendroje që janë edhe këtë vit dhe shërbimet janë kryer me sukses, pa asnjë problem.

Në bazë të nenit 21, pika 2, të Ligjit nr.162/2020 “Për prokurimin publik”, nenit 2, pika 2/c dhe nenit 78, pika 2, të VKM nr. 285, datë 19.05.2021 “Për miratimin e rregullave të prokurimit publik”, autoriteti/enti kontraktor **OSSH DURRES**, ka hartuar procesverbalin për argumentimin dhe miratimin e specifikimeve teknike dhe kriterëve për kualifikim për procedurën e sipërcituar, me përmbajtjen si më poshtë:

Në bazë të nenit 21, pika 2, të Ligjit nr.162/2020 “Për prokurimin publik”, nenit 2, pika 2/c dhe nenit 78, pika 2, të VKM nr. 285, datë 19.05.2021 “Për miratimin e rregullave të prokurimit publik”,

autoriteti/enti kontraktor **DREJTORIA RAJONALE E OSSH DURRES**, ka hartuar procesverbalin për argumentimin dhe miratimin e specifikimeve teknike dhe kriterëve për kualifikim për procedurën e sipërcituar, me përmbajtjen si më poshtë:

I. KRITERET E VEÇANTA TË KUALIFIKIMIT

1. Kandidati/ofertuesi duhet të dorëzojë:

a. *Formularin Përmbledhës të Vetëdeklarimit, sipas Shtojcës 10.*

b. *Sigurimin e Ofertës, sipas Shtojcës 3;*

Argumentimi: Kërkesat e mësipërme bazohen në nenet 76, 82 dhe 83 të LPP, nenit 26, të VKM nr. 285, datë 19.05.2021 “Për miratimin e rregullave të prokurimit publik”

2. **Ofertuesi duhet të paraqesë:**

2.1 Kapaciteti profesional i operatoreve ekonomike

2.2.1 Liçensë e shoqërisë për ushtrimin e aktivitetit të “*Shërbimit të ruajtjes dhe/ose sigurisë fizike*”, **nënkategoria 1.3.B**, “*Sigurimi fizik i objekteve shtetërore e private si dhe veprimtarive social kulturore, sportive fetare e politike dhe transport vlerash monetare*”, lëshuar nga QKL/ QKB.

2.2.2 Operatori Ekonomik ofertues duhet të vërtetojë që disponon Certifikatë të titullarit të subjektit në fushën e veprimtarisë së aktivitetit 1.3 B, lëshuar nga Dr. e Përgjithshme e Policisë së Shtetit në bazë të ligjit nr.75/2014 datë 10.07.2014) azhornuar me ligjin 90/2023 si dhe akteve nënligjore të dala në zbatim të tij).

2.2.3 Operatori Ekonomik ofertues duhet të vërtetojë që disponon Certifikatë e drejtuesit teknik në fushën e veprimtarisë së aktivitetit 1.3 B, lëshuar nga Dr. e Përgjithshme e Policisë së Shtetit në bazë të ligjit nr.75/2014 datë 10.07.2014) azhornuar me ligjin 90/2023 si dhe akteve nënligjore të dala në zbatim të tij).

Argumentimi: Kërkesa e mësipërme është përcaktuar bazuar në nenin 77, të ligjit nr. 162, datë 23.12.2020 “Për prokurimin publik”, nenin 41, pika 4, gërma a,) të VKM nr.285, datë 19.05.2021 “Për miratimin e Rregullave të Prokurimit Publik”, në nenin 14/b të Ligjit nr. 75 /2014 Për Shërbimin Privat të Sigurisë Fizike dhe në Kreun I, të Udhëzimit Nr.150 datë 16.08.2024 të Ministrisë të Brendshme.

Me anë të këtij kriteri kërkohet që operatorët ekonomikë të dëshmojnë se disponojnë licencat profesionale që parashikohen nga legjislacioni në fuqi për kryerjen e shërbimeve, objekt i kontratës, të lëshuara nga autoritetet kompetente kompetente.

Ky kriter shërben për të garantuar AK-në së OE ofertues janë operatorë të përshtatshëm dhe zotërojnë kapacitetet profesionale për të zbatuar kontratën.

2.2.Kapaciteti ekonomik dhe financiar :

2.2.1 Për të provuar kapacitetet financiare dhe ekonomike, operatorët ekonomikë duhet të paraqesin vërtetim për xhiron vjetore për vitet financiare **2022, 2023, dhe 2024** lëshuar nga administrata tatimore, ku vlera e xhiros në të paktën 1 (një) nga vitet e periudhës së kërkuar, duhet të jetë sa 100 % e fondit limit të marrëveshjes kuadër që prokurohet.

Kur oferta paraqitet nga një bashkim operatorësh, ky kusht, plotësohet nga të gjithë anëtarët e bashkimit, në raport me përqindjen e pjesëmarrjes së tyre në bashkim.

Argumentimi: Kërkesa e mësipërme është përcaktuar bazuar në vlerën e fondit limit të kësaj procedure, si dhe bazuar në nenin 77, pika 3, e LPP, si dhe nenin 43/2/b, të VKM nr. 285, datë 19.05.2021 “Për miratimin e rregullave të prokurimit publik” i ndryshuar, ku citohet:

Vlera e xhiros minimale vjetore që u kërkohet operatorëve ekonomikë nuk mund të tejkalojë:...b) vlerën e parashikuar të kontratës, në procedurat e prokurimit ndërmjet kufirit të lartë dhe të ulët monetar;

Përcaktimi i viteve të kërkuara për paraqitjen e vërtetimit të xhiros vjetore është bërë bazuar Ligjin nr.8438 datë 28.12.1998 “Për tatimin mbi të ardhurat”, i ndryshuar neni 13 pika 2: “*Tatimpaguesit e përcaktuar në pikën 1 të këtij neni dorëzojnë deklaratën vjetore të të ardhurave pranë administratës tatimore qendrore, jo më vonë se data 30 prill e vitit që pason periudhën tatimore, për të cilën bëhet deklarimi*”.

Ky kriter siguron që operatorët ekonomikë që marrin pjesë kanë kapacitetin financiar për të përmbushur detyrimet e kontratës në mënyrë të sigurtë dhe të efektshme. Ky është i rëndësishëm për të shmangur situata ku operatorët nuk plotesojnë kapacitetin financiar dhe nuk mund të përfundojnë me sukses kontratën.

2.2.2 Operatorët ekonomikë duhet të paraqesin bilancet vjetore, për vitet financiare **2022, 2023, dhe 2024**, të konfirmuara me vulë pranë autoriteteve përkatëse (Administratës Tatimore), dhe të shoqëruara me Akt Ekspertizën e Ekspertit Kontabël të Autorizuar, vetëm në rastin kur janë në kushtet e përcaktimeve të ligjit Nr.10 091, datë 05.03.2009, ku bilancet e dy viteve të njëpasnjëshme, nuk duhet të kenë raport negativ ndërmjet aktivitetit dhe pasivitetit.

Kur oferta paraqitet nga një bashkim operatorësh, ky kusht, plotësohet nga secili anëtar i bashkimit Kjo kërkesë për kualifikim, konsiderohet e përmbushur nëse në 2 (dy) bilance të njëpasnjëshme, nuk ka raport negativ ndërmjet aktivitetit dhe pasivitetit.

Kur oferta paraqitet nga një bashkim operatorësh, ky kusht plotësohet nga secili anëtar i bashkimit.

Argumentimi: Kërkesa e mësipërme është përcaktuar bazuar në nenin 77, pika 3, e LPP, si dhe nenin 43, pika 4, të VKM nr. 285, datë 19.05.2021 “Për miratimin e rregullave të prokurimit publik”.

Përcaktimi i viteve të kërkuara për paraqitjen e bilanceve është bërë duke iu referuar legjislacionit të fushës, konkretisht, ligjit Nr. 8438, datë 28.12.1998 "Për tatimin mbi të ardhurat", i ndryshuar, Udhëzimit të Ministrit të Financave nr.5, datë 30.01.2006, "Për tatimin mbi të ardhurat", i ndryshuar, si dhe kërkesave të ligjit Nr. 25/2018 “Për kontabilitetin dhe pasqyrat financiare”. Referuar në nenin 29 të Ligjit Nr. 8438, datë 28.12.1998 “Për tatimin mbi të ardhurat tatimore: “Çdo tatimpagues përgatit deklaratën vjetore të të ardhurave të tatueshme në formën e përcaktuar në udhëzimin e Ministrit të Financave në zbatim të këtij ligji. Tatimpaguesit paraqesin deklaratën vjetore në organet tatimore brenda datës 31 mars të vitit pasardhës, duke paraqitur në të njëjtën kohë bilancin kontabël, së bashku me anekset e tij, si dhe çdo të dhënë tjetër të përcaktuar në udhëzimin e Ministrit të Financave në zbatim të këtij ligji.

Ndërsa shoqërimi me Akt Ekspertizën e Ekspertit Kontabel të Autorizuar, është bërë duke iu referuar parashikimit në nenin 41 shkronja c” të Ligjit nr. 1009/2009: “Personat juridikë që detyrohen për auditimin ligjor të pasqyrave financiare detyrohen të kryejnë auditimin ligjor të pasqyrave financiare vjetore, përpara publikimit të tyre, nga ekspertë kontabël ose shoqëri audituese: "c) shoqëritë me

përgjegjësi të kufizuar, të cilat zbatojnë për raportimin financiar standardet kombëtare të kontabilitetit, kur, në mbyllje të periudhës kontabël, për dy vite radhazi, tejkalojnë **dy prej tre treguesve të mëposhtëm:** i) totali i aktiveve të bilancit, në mbyllje të periudhës kontabël përkatëse, arrin ose e kalon shumën prej **50 milionë lekësh**; ii) shuma e të ardhurave nga veprimtaria ekonomike (qarkullimi) në atë periudhë kontabël arrin ose e kalon shumën prej **100 milionë lekësh**; iii) ka, mesatarisht, **30 të punësuar** gjatë periudhës kontabël".

AK në miratimin e këtij kriteri ka mbajtur në vëmendje nenin 29 të Ligjit Nr. 8438, datë 28.12.1998 "Për tatimin mbi të ardhurat tatimore": "Çdo tatimpagues përgatit deklaratën vjetore të të ardhurave të tatueshme në formën e përcaktuar në udhëzimin e Ministrit të Financave në zbatim të këtij ligji. Tatimpaguesit paraqesin deklaratën vjetore në organet tatimore brenda datës 31 mars të vitit pasardhës, duke paraqitur në të njejtën kohë bilancin kontabël, së bashku me anekset e tij, si dhe çdo të dhënë tjetër të përcaktuar në udhëzimin e Ministrit të Financave në zbatim të këtij ligji."

2.2.3 Operatori ekonomik pjesëmarrës duhet të ketë shlyer taksat për vitin **2025** për adresën ku ai ushtron aktivitet sipas Ekstraktit Historik lëshuar nga QKR, ku të përfshihet kësti për periudhën përkatëse të maturuar, sipas përcaktimeve të ligjit nr.9632, datë 30.10.2006 "*Për sistemin e taksave vendore*", i ndryshuar, *ku nëse kualifikohet, përpara publikimit të njoftimit të fituesit dhe nisjes së afateve të ankimit*, duhet të paraqesë vërtetim/e lëshuar nga Bashkia me anë të së cilit të vërtetohet shlyerja e këtyre taksave sipas vetëdeklarimit të kryer në shtojcën 10 të DST-së.

Kur oferta paraqitet nga një bashkim operatorësh, ky kusht, plotësohet nga secili anëtar i bashkimit
Ky kriter te përmbushet nepermjet paraqitjes se formularit permbledhës te vetedeklarimit sipas Shtojcës Nr.10 te DST.

Sqarim: përmbushja e kësaj kërkesë në fazën e ofertimit do të bëhet nëpërmjet dorëzimit të **formularit përmbledhës të vetëdeklarimit sipas shtojcës përkatëse të DST**, sic parashikohet edhe nga pika 1 e nenit 26 të Vendimit të Këshillit të Ministrave Nr. 285, datë 19.05.2021 "Për miratimin e rregullave të Prokurimit Publik" i ndryshuar.

Përpara publikimit të njoftimit të fituesit dhe nisjes së afateve të ankimit, **ofertuesi i kualifikuar, i pari** duhet të dorëzojë dokumentat provuese të parashikuara në shkronjat "a", "b", "d", "dh", "e", "h", "i", "j" të pikës 2 të këtij neni, si dhe dokumentet e tjera shoqëruese të ofertës, të dorëzuara në rrugë elektronike. Këto dokumente duhet të paraqiten në origjinal ose në kopje të njësuar me origjinalin).

Argumentimi: Në lidhje me kërkesën për pagesën e taksave vendore referojmë se në bazë të pikave 1 dhe 3, të nenit të 77, të ligjit nr. 162, datë 23.12.2020 "Për prokurimin publik" dhe nenit 41, pika 5/ c), të VKM nr.285, datë 19.05.2021 "Për miratimin e Rregullave të Prokurimit Publik", në Neni 5, Rregulla të përbashkëta për taksat vendore, dhe në Kreu II, Taksat vendore, Neni 9, Llojet e taksave vendore, të Ligjit Nr.9632, datë 30.10.2006 Për Sistemin e Taksave Vendore, (i Ndryshuar).

Njësia e prokurimit kerkoi edhe pagesat e taksave vendore bazuar në Ligjin Nr.9632 datë 30.10.2006 "*Për sistemin e taksave vendore*" (te ndryshuar), neni 5, pika c, sipas afateve te miratuara te kryerjes se pagesave te percaktuara nga cdo njesi e qeverisjes vendore si dhe faktit ku në zbatim të legjislacionit në fuqi, Qendra Kombëtare e Biznesit ka funksion të mbajë rregjistrin tregtar dhe për qëllim të regjistrimit fiskal, ku përcaktohen dhe vendet e ushtrimit të operatorëve ekonomikë, duke qënë se këto të fundit kanë

detyrimin të paguajnë të gjitha detyrimet e taksave dhe tarifave vendore, ne vendet që ushtrojnë aktivitetin e tyre, atëherë operatorët ekonomikë pjesëmarrës duhet të vërtetojnë se i kanë likuiduar këto detyrime nëpërmjet paraqitjes së vërtetimit të lëshuar nga Administrata e Qeverisjes Vendore.

Njësia e prokurimit përcaktoi kriteret për kapacitetet ekonomike dhe financiare si më lart, duke qënë se këto kriteret janë në përpjesëtim dhe të lidhura ngushtë me objektin e kontratës, dhe i shërbejnë autoritetit kontraktor për njohjen e gjendjes financiare të operatorëve ekonomikë dhe të mundësisë së tyre për përmbushjen me sukses të kontratës.

2.3 Kapaciteti Teknik:

2.3.1. Operatori ekonomik duhet të paraqesë dëshmi për realizimin me sukses të një ose disa kontratave për shërbimet e mëparshme, të ngjashme, të kryera gjatë tre viteve të fundit nga data e shpalljes së njoftimit të kontratës, në një vlerë jo më të vogël se 39 % të vlerës së fondit të limit të marrëveshjes kuadër.

Për të vërtetuar përvojën e mëparshme të ngjashme, operatorët ekonomikë duhet të paraqesin dëshmitë e mëposhtme:

- a) për përvojën e mëparshme të realizuar me sektorin publik, operatori ekonomik duhet të paraqesë vërtetime të lëshuara nga një ent publik për përmbushjen me sukses të kontratës, ku të shënohen vlera, afati i përfundimit të kontratës dhe/ose fatura tatimore të shitjes, të plotësuara sipas kërkesave të legjislacionit në fuqi, ku shënohen datat, shumat dhe shërbimet e realizuara.
- b) për përvojën e mëparshme të realizuar me sektorin privat, operatori ekonomik duhet të paraqesë faturat përkatëse tatimore të shitjes, të plotësuara sipas kërkesave të legjislacionit në fuqi, dhe të deklaruara në organet tatimore, ku shënohen datat, shumat dhe shërbimet e realizuara.

Në rast se kontrata është realizuar si bashkim operatorësh ekonomik, operatori ekonomik pjesëmarrës duhet të paraqesë akt – marrëveshjen e bashkëpunimit dhe prokurën e posaçme ku përcaktohet përqindja e shërbimit për secilin operator ekonomik, si dhe në rast se është realizuar si nënkontraktor duhet të paraqesë miratimin e autoritetit kontraktor.

Argumentimi: Kërkesa e mësipërme është përcaktuar bazuar në nenin 77 të ligjit nr. 162, datë 23.12.2020 “Për prokurimin publik” dhe nenit 41, pika 3 të VKM nr. 285, datë 19.05.2021 “Për miratimin e Rregullave të Prokurimit Publik”. Me anë të këtij kriteri kërkohet që operatorët ekonomikë të dëshmojnë që kanë përvojën e nevojshme për të zbatuar kontratën me sukses, prandaj është kërkuar që shërbimet e mëparshme të ngjashme të jenë në vlerën jo më pak se 39 % të vlerës së fondit limit, që është brenda vlerës kufi të përcaktuar në nenin e sipërcituar.

Përvoja e mëparshme është një element shumë i domosdoshëm që garanton autoritetin kontraktor se operatorët ekonomikë mbi bazën e vlerës së kontratave të ngjashme zotërojnë kapacitete për të zbatuar kontratën me sukses sipas një standarti të përshtatshëm cilësie. Në mbështetje të nenit 88 pika 1 e VKM 285/2021, parashikon se “Oferta mund të paraqitet nga një bashkim operatorësh ekonomikë, sipas përcaktimit të pikave 2 dhe 3, të nenit 14, të LPP-së, ku njëri prej të cilëve i përfaqëson të tjerët gjatë procedurës dhe, në rast përzgjedhjeje, edhe gjatë zbatimit të kontratës. Në ofertë duhet të përcaktohet pjesa e shërbimit, punës ose furnizimit, që do të kryejë secili nga anëtarët e këtij bashkimi nëpërmjet një kontrate bashkëpunimi të hartuar ndërmjet palëve.

2.3.2. Operatori ekonomik duhet të ketë një punësimin mesatar jo më pak se 18 (tetëmbëdhjetë) **punonjës** për periudhën **3 (tre)** muajt e fundit nga data e hapjes së ofertave, ku të përfshihet Titullar Subjekti dhe Drejtuesi Teknik. Për përmbushjen e këtij kushti, operatori ekonomik pjesëmarrës duhet të deklarojë

sipas formës së disponimit të punonjësve në seksionin përkatës të Formularit Përmbledhës të Vetëdeklarimit të shtojcës 10 në DST, dhe në rast se kualifikohet, përpara publikimit të njoftimit të fituesit dhe nisjes së afateve të ankimit, duhet të paraqesë:

1. Vërtetim të lëshuar nga Administrata Tatimore ku të specifikohet numri i punonjësve për secilin muaj për periudhën e mësipërme.
2. Listëpagesa e Kontributeve të sigurimeve shoqërore dhe shëndetësore të konfirmuara nëpërmjet formës elektronike nga organet tatimore për periudhën e mësipërme.

Sqarim: përmbushja e kësaj kërkesë në fazën e ofertimit do të bëhet nëpërmjet dorëzimit të **formularit përmbledhës të vetëdeklarimit sipas shtojcës përkatëse të DST**, sic parashikohet edhe nga pika 1 e nenit 26 të Vendimit të Këshillit të Ministrave Nr. 285, datë 19.05.2021 “Për miratimin e rregullave të Prokurimit Publik” i ndryshuar.

Përpara publikimit të njoftimit të fituesit dhe nisjes së afateve të ankimit, **ofertuesi i kualifikuar, i pari** duhet të dorëzojë dokumentat provuese të parashikuara në shkronjat “a”, “b”, “d”, “dh”, “e”, “h”, “i”, “j” të pikës 2 të këtij neni, si dhe dokumentet e tjera shoqëruese të ofertës, të dorëzuara në rrugë elektronike. Këto dokumente duhet të paraqiten në origjinal ose në kopje të njësuara me origjinalin).

Argumentimi: Në bazë të pikës 4, të nenit të 77, të ligjit nr. 162, datë 23.12.2020 “Për prokurimin publik” dhe nenit 41, pika 4/ b), të VKM nr.285, datë 19.05.2021 “Për miratimin e Rregullave të Prokurimit Publik”, me anë të këtij kriteri kërkohet që operatorët ekonomikë të dëshmojnë që kanë stafin, personelin e nevojshëm të kualifikuar për realizimin me sukses të kontratës. Konkretisht referuar në KREU XII, SIGURIMI I OBJEKTEVE TË SEKTORIT BANKAR DHE TRANSPORTIMI I VLERAVE, germa C) Kategorizimi i automjeteve të blinduara dhe shoqëruese, të Udhëzimit Nr. 150 datë 16.08.2024 të Ministrit të Brendshëm, *duhen më shumë se një shoqërues për automjet, (8 autoblanda X 2 punonjes = 16 punonjes) duke përfshirë titullarin e shoqërisë, drejtuesin teknik, disponimi i një numri prej = 18 punonjësish të siguruar është numri minimal i kërkuar, për të garantuar AK-në së OE ofertues janë operatorë të përshtatshëm dhe zotërojnë kapacitetet profesionale për të zbatuar kontratën.*

2.3.3. Operatori Ekonomik ofertues duhet të vërtetojë që disponon Licensë/Autorizim për ngritjen dhe shfrytëzimin e sistemit të pavarur të radiokomunikacionit të lëshuar nga Autoriteti i Komunikimeve Postare dhe Elektronike (AKEP) konform Ligjit Nr. 54/2024 datë 30.05.2024 “Për komunikimet elektronike në Republikën e Shqipërisë”, të vlefshëm me fushe mbulimi në qarkun ose qytetet ku ndodhen objektet.

Argumentimi: Kërkesa e mësipërme është përcaktuar bazuar në nenin 77, të ligjit nr. 162, datë 23.12.2020 “Për prokurimin publik”, nenin 41, pika 4, germa a,) të VKM nr.285, datë 19.05.2021 “Për miratimin e Rregullave të Prokurimit Publik”, në nenin 14/c të Ligjit nr. 75 /2014 Për Shërbimin Privat të Sigurisë Fizike, në pikën D. Qendra e Kontrollit, të Kreut VII, Uniformat, mjetet, pajisjet e shërbimit, dokumenti i identifikimit të punonjësve të SHPSF-SË, të Udhëzimit Nr.150 datë 16.08.2024 të Ministrit të Brendshëm dhe në pikën 1, të Neni 64, Përdorimi i frekuencave, të Ligjit Nr. 54/2024 datë 30.05.2024 “Për komunikimet elektronike në Republikën e Shqipërisë”, ku parashikohet se: Personat fizikë apo juridikë mund të përdorin frekuenca vetëm pasi të jenë pajisur, paraprakisht, me autorizim nga AKEP-i, sipas përcaktimeve të këtij ligji.

Me anë të këtij kriteri kërkohet që operatorët ekonomikë të dëshmojnë se disponojnë licencat profesionale që parashikohen nga legjislacioni në fuqi për kryerjen e shërbimeve, objekt i kontratës, të lëshuara nga autoritetet kompetente.

Ky kriter shërben për të garantuar AK-në së OE ofertues janë operatorë të përshtatshëm dhe zotërojnë kapacitetet teknike (pajisjet e shërbimit) për të zbatuar kontratën.

2.3.4 Operatori ekonomik duhet të paraqesë vertetim performance leshuar në jo më parë se muaji Qershor i vitit 2025 nga Drejtoria e Policisë së Durrës për kategorinë e Licences 1.3B, konform ligjit nr.75/2014 datë 10.07.2014) të ndryshuar si dhe akteve nenligjore të dala në zbatim të tij. Ku duhet të jepet informacioni për disponimin e:

- Jo më pak se **1 (një)** përgjegjës shërbimi,
- Arme krahu **6 (gjashtë)** copë,
- Arme Brezi **4 (katër)** copë,
- Jo më pak se **10 (dhjetë)** punonjës shërbimi të licencuar,
- Jo më pak se **5 (pesë)** mjete të blinduara.
- Qendër Kontrolli në Qarkun Durrës,
- Ka punuar mirë gjatë ushtrimit të aktivitetit.
- Të disponojë jo më pak se 10 jelek antiplumb (faturë ose vertetim nga Drejtoria e Policisë Durrës)
- Të disponojë jo më pak se 10 shkopinj gome (faturë ose vertetim nga Drejtoria e Policisë Durrës)
- Të disponojë jo më pak se 10 hekura lidhës (pranga) (faturë ose vertetim nga Drejtoria e Policisë Durrës)
-

Në rast bashkimi të operatorëve ekonomikë, ky kriter duhet të plotësohet nga secili prej anëtarëve pjesëmarrës në përputhje me përqindjen e pjesëmarrjes në këtë bashkim.

2.3.5 Operatori ekonomik duhet të paraqesë vertetim performance leshuar në jo më parë se muaji qershor i vitit 2025 nga Drejtoria e Policisë së Tiranës për kategorinë e Licences 1.3.B konform ligjit nr.75/2014 datë 10.07.2014) të ndryshuar si dhe akteve nenligjore të dala në zbatim të tij. Ku duhet të jepet informacioni për disponimin e:

- Jo më pak se **1 (një)** përgjegjës shërbimi,
- Arme krahu **4 (katër)** copë,
- Arme Brezi **2 (dy)** copë,
- Jo më pak se **6 (gjashtë)** punonjës shërbimi të licencuar,
- Jo më pak se **3 (tre)** mjete të blinduara.
- Qendër Kontrolli në Qarkun Tiranë,
- Ka punuar mirë gjatë ushtrimit të aktivitetit.
- Të disponojë jo më pak se 6 jelek antiplumb (faturë ose vertetim nga Drejtoria e Policisë Tiranë)
- Të disponojë jo më pak se 6 shkopinj gome (faturë ose vertetim nga Drejtoria e Policisë Tiranë)
- Të disponojë jo më pak se 6 hekura lidhës (pranga) (faturë ose vertetim nga Drejtoria e Policisë Tiranë)

Në rast bashkimi të operatorëve ekonomikë, ky kriter duhet të plotësohet nga secili prej anëtarëve pjesëmarrës në përputhje me përqindjen e pjesëmarrjes në këtë bashkim.

Argumentimi: Në bazë të pikës 4, të nenit të 77, të ligjit nr. 162, datë 23.12.2020 “Për prokurimin publik” dhe nenit 41, pika 4/ b), të VKM nr.285, datë 19.05.2021 “Për miratimin e Rregullave të Prokurimit Publik”, me anë të këtij kriteri kërkohet që operatorët ekonomikë të dëshmojnë që kanë stafin, personelin e nevojshëm të kualifikuar për realizimin me sukses të kontratës. Konkretisht: *Referuar specifikimeve teknike ku kërkohet ofrim shërbimi në 2 qarqe, ku në varësi të sasisë së vlerave monetare që do të transportohen dhe sipas normës së automjetit të blinduar është parashikuar edhe mbulimi me këtë numër punonjësish sipas qarqeve, referuar në KREU I, Procedurat për licencim, certifikim dhe ricertifikim të subjekteve të Shërbimit Privat të Sigurisë Fizike, germa A. Të përgjithshme, pika 11. Certifikata e punonjësit të Shërbimit Privat të Sigurisë Fizike jepet sipas nënkategorisë së licencës dhe miratimi i saj është kompetencë e drejtorit të Drejtorisë Vendore të Policisë, ku ka vendbanimin punonjësi i shërbimit, bazuar në vendimin e Komisionit të Shqyrtimit të Kërkesave për Certifikim (KSHKC), Udhëzimit Nr.150 datë 16.08.2024 të Ministrit të Brëndshëm.*

- 2.3.6** Operatori ofertues duhet të paraqesë Aktin e Miratimit të Qendrës së Menaxhimit të Shërbimeve (QMSH) për qarkun ku subjekti ka selinë dhe Aktin e Miratimit të Zyres së Menaxhimit të Shërbimeve (ZMSH) të SHPSF, për Qarqet e tjera të Shqipërisë sipas udhëzimit të Ministrit të Punëve të Brendshme nr. 150 datë 16.08.2024 “Për funksionimin e shërbimit privat të sigurisë fizike” (Durrës dhe Tiranë).

Argumentimi: Në bazë të pikës 4, të nenit të 77, të ligjit nr. 162, datë 23.12.2020 “Për prokurimin publik” dhe nenit 41, pika 4/ ç), të VKM nr.285, datë 19.05.2021 “Për miratimin e Rregullave të Prokurimit Publik”, në KREU VII, Procedurat Dhe Standardet E Qendrës Së Menaxhimit Të Shërbimit Dhe Zyres Së Menaxhimit Të SHPSF-së, pika A. Subjekti i SHPSF-së i licencuar për menaxhimin e shërbimeve duhet të plotësojë këto kushte sipas Udhëzimit Nr. 150 datë 16.08.2024 të Ministrit të Brendshëm, ku në pikat 1 dhe 2. Parashikohet:

1. *Të ngrejë strukturën e Qendrës së Menaxhimit të Shërbimeve (QMSH) për nënkategoritë përkatëse, e cila duhet të miratohet nga struktura vendore e Policisë së Shtetit përpara fillimit të aktivitetit. Miratimi i Qendrës së Menaxhimit të Shërbimeve të SHPSF-ve bëhet nga drejtori i drejtorisë vendore të Policisë, bazuar në vendimin e KSHKC-së, në çdo 5 (pesë) vjet, sipas modelit bashkëlidhur këtij udhëzimi. Akti i miratimit të Qendrës së Menaxhimit të Shërbimeve përpilohet në dy kopje, ku njëra vendoset në dosjen e subjektit dhe tjetra i jepet subjektit të SHPSF-së.*
2. *Të ngrejë zyrën e menaxhimit të shërbimeve (ZMSH) në qarkun ku ushtron aktivitet, e cila duhet të miratohet nga struktura vendore e Policisë së Shtetit, përpara fillimit të aktivitetit. Miratimi i zyrës së menaxhimit të shërbimeve të SHPSF-ve bëhet nga drejtori i drejtorisë vendore të Policisë, bazuar në vendimin e KSHKC-së, në çdo 5 (pesë) vjet, sipas modelit bashkëlidhur këtij udhëzimi.*

Kjo kërkesë është për të garantuar AK-në të OE ofertues janë operatorë të përshtatshëm dhe zotërojnë kapacitetet teknike për të zbatuar kontratën.

- 2.3.7** Operatori ekonomik duhet të disponojë të paktën 8 automjete të blinduar për transportin e vlerave monetare, mjete të cilat duhet të jenë në pronësi të operatorit ekonomik. Për të vërtetuar këtë operatori ekonomik duhet të paraqesë:

1. Lejet e qarkullimit dhe certifikat pronësie nga Drejtoria e Transportit Rrugor
2. Leje Drejtimi e përdoruesit të mjetit të blinduar për çdo mjet.
3. Çertifikatë e Kontrollit Teknik për secilin mjet (SGS).
4. Siguracion të vlefshëm për secilin mjet.
5. Taksat vjetore të paguara për secilin mjet.

Argumentimi: Kërkesa e mësipërme është përcaktuar bazuar në nenin 77, të ligjit nr. 162, datë 23.12.2020 “Për prokurimin publik”, nenin 41, pika 4, gërma ç,) të VKM nr.285, datë 19.05.2021 “Për miratimin e Rregullave të Prokurimit Publik”, në pikën 1 të nenit 32 të Ligjit nr. 75 /2014 Për Shërbimin Privat të Sigurisë Fizike, në KREU XII, Ruajtja dhe Sigurimi i Objekteve të Sektorit Bankar, Sigurimi dhe Shoqërimi i Vlerave Monetare, Materiale dhe Sendeve të Çmuara gjatë Transportit, të Udhëzimit Nr.150 datë 16.08.2024 të Ministrit të Brëndshëm

Konkretisht: *Referuar specifikimeve teknike ku kërkohet ofrim shërbimi në 2 qarqe, si dhe referuar numrit të KNK-ve është parashikuar disponimi i 8 automjeteve të blinduara, kjo edhe për faktin se kemi një shtrirje në 10 KNK në një largësi të madhe.*

Kjo kërkesë është për të garantuar AK-në së OE ofertues janë operatorë të përshtatshëm dhe zotërojnë kapacitetet teknike për të zbatuar kontratën.

2.3.8 Operatori ekonomik duhet të disponojë 8 Autorizime të vlefshme nga Drejtoria e Përgjithshme e Policisë së Shtetit për përdorimin e mjeteve të blinduara.

Argumentimi: Kërkesa e mësipërme është përcaktuar bazuar në nenin 77, të ligjit nr. 162, datë 23.12.2020 “Për prokurimin publik”, nenin 41, pika 4, gërma a,) të VKM nr.285, datë 19.05.2021 “Për miratimin e Rregullave të Prokurimit Publik”, në pikën 1 të nenit 32 të Ligjit nr. 75 /2014 Për Shërbimin Privat të Sigurisë Fizike, në KREU XII, Ruajtja dhe Sigurimi i Objekteve të Sektorit Bankar, Sigurimi dhe Shoqërimi i Vlerave Monetare, Materiale dhe Sendeve të Çmuara gjatë Transportit, gërma B), pika 3, të Udhëzimit Nr.150 datë 16.08.2024 të Ministrit të Brëndshëm Konkretisht: *Referuar specifikimeve teknike ku kërkohet ofrim shërbimi në 2 qarqe, si dhe referuar numrit të Blindave të kerkuar është parashikuar disponimi i 8 autorizimeve për automjetet e blinduara që do të ofrojnë shërbimin objekt kontrate.*

Kjo kërkesë është për të garantuar AK-në së OE ofertues janë operatorë të përshtatshëm dhe zotërojnë kapacitetet teknike për të zbatuar kontratën.

2.3.9 Operatori ekonomik duhet të disponojë Certifikata të lëshuar nga prodhuesi i mjetit të blinduar (**kompania e specializuar për transformimin e mjeteve nga mjete normale në mjete të blinduara**) për minimalisht 8 automjete të blindura, me normë blindimi jo më të vogël se BR6, sipas normave Europiane të EN 1522, dhe EN 1063 ose me standarde të ngjashme me këto për automjete të blinduar.

Argumentimi: Kërkesa e mësipërme është përcaktuar bazuar në nenin 77, të ligjit nr. 162, datë 23.12.2020 “Për prokurimin publik” (i ndryshuar), nenin 41, pika 4, gërma ç,) të VKM nr.285, datë 19.05.2021 “Për miratimin e Rregullave të Prokurimit Publik” (i ndryshuar), në pikën 1 të nenit 32 të Ligjit nr. 75 /2014 Për Shërbimin Privat të Sigurisë Fizike, në KREU XII, Sigurimi i Objekteve të Sektorit Bankar Dhe Transportimi i Vlerave, gërma C) Kategorizimi i automjeteve të blinduara dhe shoqëruese, të Udhëzimit Nr.150 datë 16.08.2024 të Ministrit të Brëndshëm.

Konkretisht: *Për vetë rendësinë që ka realizimi i këti lloji shërbimi me operatorë të licencuar, referuar specifikimeve teknike, numrit të prekjeve sipas qarqeve, vlerave të konsiderueshme që transportohen kryesisht nga KNK në drejtim të bankave, si dhe shtrirjes së largët, është përcaktuar edhe norma e blindimit për automjetet e blinduara që do të ofrojnë shërbimin objekt kontrate.*

Kjo kërkesë është për të garantuar AK-në së OE ofertues janë operatorë të përshtatshëm dhe zotërojnë kapacitetet teknike për të zbatuar kontratën.

2.3.10 Me qëllim parandalimin e veprimeve kriminale Operatori Ekonomik duhet të vërtetojë se disponon kapacitete sipas qarqeve si me poshtë:

- Për Qarkun Durrës faturë tatimore blerje ose deklaratë doganore të mallit për 5 copë GPS; 5 copë DVR, 20 kamera dhe 10 armë zjarri.
- Për Qarkun Tiranë faturë tatimore blerje ose deklaratë doganore të mallit për 3 copë GPS; 3 copë DVR, 12 kamera dhe 6 armë zjarri.

Operatori Ekonomik për të vërtetuar faktin e pronesise se armëve duhet të disponojë gjithashtu dhe dokumentacionin si me poshtë:

- Autorizim nga drejtoria e përgjithshme e policisë për blerjen e armëve të zjarrit.
- Kontrate shitblerje Armë me një shoqëri të licensuar
- Fature tatimore për blerjen e armëve.

Argumentimi: Në bazë të pikës 4, të nenit të 77, të ligjit nr. 162, datë 23.12.2020 “Për prokurimin publik” dhe nenit 41, pika 4/ ç), të VKM nr.285, datë 19.05.2021 “Për miratimin e Rregullave të Prokurimit Publik”, në Kreu VII, Procedurat Dhe Standardet E Qendrës Së Menaxhimit Të Shërbimit Dhe Zyrës Së Menaxhimit Të Shpsf-se, sipas Udhëzimit Nr.150 datë 16.08.2024 të Ministrit të Brëndshëm.

Kjo kërkesë është për të garantuar AK-në së OE ofertues janë operatorë të përshtatshëm dhe zotërojnë kapacitetet teknike për të zbatuar kontratën.

II. Argumentimi i specifikimeve teknike

Specifikimet teknike bazuar në legjislacionin në fuqi për ruajtjen e vlerave monetare.

Fondi limit është llogaritur nga drejtoria qendrore Tirane

- Më pas u diskutuan të gjithë kapitujt e dokumentave të tenderit dhe Njësia e Prokurimit bëri miratimin e dokumentave të tenderit.
- Dokumentat u printuan dhe u firmosën në çdo faqe nga të gjithë anëtarët e Njesisë së Prokurimit.

Data e hapjes dhe e zhvillimit të procedurës së prokurimit do të jetë **Data 09.01.2026 Ora 10.00 vendi: në mënyrë elektronike në www.app.gov.al .**

Në përfundim u vendos vazhdimi i mëtejshëm i procedurave ligjore të prokurimit

NJËSIA E PROKURIMIT

